

近代中國史料叢刊續編第十七輯
沈雲龍主編

苓泉居士自訂年譜

楊壽枏輯

附：①雲在山房駢文詩詞選②雲過書札③趨庭隅錄

文海出版社
有限公司
印行

苓泉居士自訂年譜卷上

無錫楊壽枏輯

同治七年戊辰八月二十一日卯時余生於邑城大成巷新宅

祖居在下塘旗杆下 六世祖若干公諱度汪以博學鴻

詞入翰林故邑人呼爲鴻博第粵寇之亂燬於兵亂平回里

先祖妣侯太夫人營大成巷宅居之厥後鴻博第修復乃

稱旗杆下爲老宅大成巷爲新宅 齊次風孫頤谷李蒔客

皆以八月二十一日爲孔子生日辨證極詳孫氏讀書勝錄

曰公羊襄二十一年十有一月庚子孔子生按經上文云十

月庚辰朔則庚子爲十月二十一日蓋孔子以周之十月夏

正八月二十一日生李氏越縵堂日記曰襄公二十一年己

酉九月庚戌朔冬十月庚辰朔春秋經有明文則十月庚子
爲二十一日之確據公羊作十一月庚子齊氏謂傳寫之誤
按陸氏釋義公羊音義於庚子孔子生下云傳文上有十月
庚辰則亦十月也一本作十一月庚子孔子生是公羊本與
穀梁同今本爲誤也

己巳二歲 先大夫命名曰壽核號味雲小名松生

庚午三歲

辛未四歲 先妣張太夫人教以識字日能記三十餘字二妹

浣芬生

壬申五歲 入家塾師杜靜溪先生授大學章句八月大病幾

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



www.docsriver.com 商家 本本书店
内容不排斥 转载、转发、转卖 行为
但请勿去除文件宣传广告页面

若发现去宣传页面转卖行为，后续广告将以上浮于页面形式添加

www.docsriver.com 定制及广告服务 小飞鱼
更多**广告合作及防失联联系方式**在电脑端打开链接
<http://www.docsriver.com/shop.php?id=3665>



殆至十月始愈廢讀者四月

癸酉六歲 讀中庸論語三妹韻芬生

甲戌七歲 讀孟子始學爲對偶 太夫人課以唐詩

光緒元年乙亥八歲 師母舅孫厚齋先生讀詩經尙書周易

始學爲詩 太夫人母家太倉爲天如先生後故最愛鄉先

輩吳梅村詩授余以永和宮詞琵琶行圓圓曲諸什皆琅琅

上口終身不忘也

丙子九歲 讀周禮爾雅禮記四妹生旋殤作重陽詩曰風雨

冷淒淒龍山望欲迷白衣人送酒跌了一身泥師閱之失笑

旣而曰此詩甚有思路且能用典可喜也自此益喜爲韻語

丁丑十歲 師族祖簡庭先生讀禮記左傳始閱通鑑余幼時
記憶力頗佳 太夫人授以梅村簪清湖詩我生江湖邊五
古一首讀一過卽能背誦又簡庭師錄木蘭詞置案上師赴
別室讀而愛之默誦兩過師已返退歸已坐而詞已成誦不
遺一字至老不忘蓋性之所近易於記憶也

戊寅十一歲 讀左傳清明日放假與羣兒適野爲風箏之戲
風勁綫斷踣而傷爲 先大夫所見掖之歸將施夏楚 太
夫人解之罰作風箏詩成絕句云清明時節好風天齊向春
郊放紙鳶莫道常偕童子戲青雲得路獨登仙 先大夫笑
曰詞雖俚有寄托乃免責

己卯十二歲 讀古文 先大夫手選古文百篇分爲四集一
聖賢義理之文二名臣經世之文三漢魏以來家弦戶誦之
文四六朝唐宋駢儷之文余受而錄之輯爲家塾古文約選
九月 先大夫選授溧陽縣訓導至蘇垣謁撫藩余隨侍寓
俞氏園居一月遍遊虎阜獅林諸勝十一月從至溧陽學署
衙齋老屋三十餘楹地極幽靜門前古槐一株幢幢如蓋暑
月輒執卷坐臥其下西偏小圃頗有花木每於隙地疊石壘
土爲樓閣亭沼之狀雖兒戲事至今思之猶有餘味也五妹
清芬生

庚辰十三歲 師任伯英先生讀文選作史論嘗作周公輔成

王論謂武王九十三而終成王尙在襁褓是成王之生武王已將九十而唐叔諸弟之生又在九十後矣邑姜爲武王之元妃成王之母生成王之年歲雖不可考至遲當在四十左右與武王須相差四五十歲豈武王五十歲以前並未娶妃九十歲以前並未生子乎考之經史終不能明問之師亦不能答 先大夫閱之曰此子頗有思路乃授以古文義法辛巳十四歲 始學爲制藝及律賦試帖余性好詩古文詞所爲制義不中繩墨多或千言少或一二三百字皆策論體也六妹瑤芬生

壬午十五歲

師吳魯卿先生與蘭樵五弟同學始專力於制

藝是冬回里應縣試取二十一名府試取三十五名

癸未十六歲

五月應院試正場取第九名提覆以疵被擯正

場詩題爲餘霞散成綺余詩有白地光明錦青天頃刻花之句爲學使所賞蔭北二兄入泮試後隨 太夫人至溧陽學

署六月大病幾殆醫家謂余脈細而靜厥名六陰病雖危而脈象未變無妨也歷三月始愈七妹瓊芬生

甲申十七歲 二月回里應縣試府試俱列第二五月院試以

第一名入泮古學取闔屬第四名學使者爲瑞安黃漱蘭先生覆試經文尤蒙賞許評爲經義紛披後二義論宏闊得未曾有閏五月望試畢回里甫三日接溧署信 太夫人於十

六日棄養五內摧裂卽日偕大姊二妹星奔至溧伏念壽相生而多病屢瀕於危賴太夫人鞠育調護始克成立今爲微名不及親視含殮痛哉十一月扶觀歸里暫厝於錫山麓事畢返溧

乙酉十八歲 在溧陽學舍讀書師竇曉湘先生治舉業從母舅孫筱垞先生習算學竇師爲吾邑魁儒門牆最盛尤賞余文每一藝出必令同學傳觀師門賞音不敢忘也

丙戌十九歲 在溧陽學署讀書大姊出閣姊丈爲同邑王某伯鏡蓉蘭樵五弟入泮是冬服闋顧夫人來歸 侯太夫人春

秋高 先大夫歲時乞假歸省至是命余夫婦里居侍奉起

居

丁亥二十歲 五月科試取一等第七名補增廣生學使者爲

長沙王益吾先生八妹令蕪生庶母馬宜人所出

戊子二十一歲 在溧署讀書 先大夫集高才生立文社於

署中余課必第一頗負時名長女景昭生秋應鄉試薦而未
售

己丑二十二歲 偕經笙叔讀書於惠山家祠五月歲試取二

等二名秋應鄉試堂備額滿見遺鍾石叔蔭北兄舉順天鄉

試

庚寅二十三歲 五月科試取一等一名補廩膳生學使者爲

順德楊蓉浦先生正場覆試兩藝均蒙激賞刻入試牘少時
讀尚書私意舜崩之年已百有十歲禪位之後法宜安居深
宮何必遠狩蒼梧致稗官誣爲野死又舜宗堯而禹不宗舜
亦與前例未符此次試題爲萬章曰人有言至於禹而德衰
不傳於賢而傳於子有諸文卽發揮此意後二比曰隨刊爲
萬古之奇勳功德在民生廟食自應久享則傳子亦天理之
公然出諸禹而似有私心矣夫宗祀配天極郊廟尊崇之典
乃羽陵圮族以游魂而袞玉升壇於情似有未安者告神宗
之廟其有愧辭乎德不足以被後嗣何怪乎洛汭畋游斟鄩
遷徙未百年而祖烈已微揖讓亦兩朝之創舉聖神不世出

神器豈可虛懸則傳子亦人倫之正然行諸禹而反爲變例
矣夫耄期異位正宮廷頤養之時乃蒼梧陟方以暮齒而翠
華遠狩於理亦有難解者人重華之宮其有慚色乎德不足
以懷達人何怪乎三苗逆命九扈稱兵不再傳而王靈已替
總覆日宗師面諭日子文甚佳後二尤瑰奇惜太露芒角吾
謂托諸人言亦尙不妨故首拔之若鄉會闈中切不可如此
作知己之言令人感佩舉優行生未應考調南菁書院亦未
赴余少年志盛氣銳視科第如拾芥無意於優拔貢也 大
伯父京卿公任直隸通永道諭令北上乃於十一月由海道
至天津又陸行三日至通州時鐵道尙未成也課翰西十三

弟讀書

辛卯二十四歲

四月韻芬三妹出閣妹婿爲閩縣龔宜甫晉義

萬入方伯易圖之長子也七月長子景杰生是月入都國子監

錄科取第二名八月應順天鄉試九月榜發中式第七十二

名主考爲刑部尙書許恭慎公庚左都御史徐壽蘅師樹銘戶

部左侍郎廖仲山師燕恆內閣學士慎齋師霍穆歡房師爲翰

林院編修豫建侯師泰余首场卷呈薦後豫師卽抱病出闈

卷出許師手已批中矣因二三場未到撤下填榜前數日收

落卷置箱中余卷批有中字獨遺案上許師覆閱數日有文

如此何忍棄之適他房一卷以疵撤下房考力爭以余卷示

之始服乃搜出二三場卷令他房補薦遂入覈謁許師時談
及謂得失洵有命也應保和殿覆試欽定一等第九名卷出
翁文恭公手頗蒙稱許仁山兄同捷順天榜場前得關帝籤
云十年窗下苦埋頭空戴南冠學楚囚仙桂欲攀攀合得古
來投筆盡封侯是科南元爲賀綸夔本房房首所謂戴南冠
也賀爲湖北人與楚囚相合前門關帝廟籤素稱靈應故漫
記之

壬辰二十五歲 三月應會試未售仁山兄聯捷五月出都回
里 汪仲伊年丈宗沂相余曰君形似鶴聲清而步聳是行鶴
非翔鶴是園林之鶴非雲霄之鶴然在園林中從容飲啄顧

視清高自是富貴家之物又命爲木命形亦木形命相相合
生於秋枝葉不能滋茂故軀幹瘦而鬚髮稀斂華歸根法當
晚成利於秋賦不利於春官也果如所言則與去年關帝廟
籤相合可以投筆矣汪丈爲歙縣人庚辰進士於學無所不
窺談命相尤多奇中語余曰相以清奇古怪爲上格凡豐腴
平正者必多庸福此等人得意天下必太平吾近歲歷觀少
年人命相與常格不同所謂福相者未必皆貴命而所謂貴
命者又未必皆福相恐數十年後世界未必如今日之承平
人物未必如今日之華貴吾老不及見子姑識之又曰開國
貴人多龍虎之相太平時貴人多麟鳳之相衰世貴人多猿

鶴之相命相隨氣運轉移所言殊有名理浣芬二妹出閣妹
婿爲江陰章紱雲廷華十月 祖妣侯太夫人棄養 太夫人
恭儉仁厚御家有法度子孫數十人年八十五而卒修齡厚
福皆盛德所致也

癸巳二十六歲 正月 侯太夫人葬於青暘與 名宦公合

兆六月赴江陰送試書侯七弟森千九弟果臣十一弟同入
泮 是年編輯十年中所作詩文曰紅樹山莊詩文集範甫
兄題其後曰作者所爲詩文清若梅雪鮮若荷露朗若秋月
豔若春花同輩中所見亦罕然吾輩事業尙有大者遠者但
以文人自命非吾所望於君也余惕然悟是年起始治經世

學

甲午二十七歲 二月入都應恩科會試未售向例鄉會試多
買謄錄取其書法端正閱卷者易於動目也是科監試侍郎
長萃素嚴厲欲革此風一日於謄錄處搜得二十六卷遂將
二三場扣下余及蔭兄卷適在其中榜後晤翁弢甫太史云
二十六卷中擬中者四本房薦一卷已中第四二場卷未薦
撤去買謄錄者二千餘卷而此二十六卷獨被扣豈非數耶
因明年正科留京候試住蔭哥寓中七月與日本開戰我陸
海軍屢衄旅順大連相繼失守都城戒嚴大駕有西狩之說
京官紛紛遷避蔭兄倬直樞廷不能離職乃約定事急時兄

當隨扈余則護眷屬擇地避兵是冬朝市蕭條風鶴數警目擊時艱慨然有投筆請纓之志不復治科舉業矣經笙叔範甫兄蘭樵五弟舉本省鄉試是年改名壽枏

乙未二十八歲 應會試薦而未售房考爲蘄水陳編修曾佑尤

賞余二三場有通才之目闈中已擬中卒以額滿見遺四月出都偕宗石叔範甫兄蘭樵弟錢史才偕行出山海關登角山望海時和議初成戍兵未撤海邊吹角塞上傳烽覩時局之阨危念名場之蹭蹬自顧身世不禁蒿目灰心也五月抵里經儒八弟擎宇十弟入泮

丙申二十九歲 是年因先大夫多疾暫輟遠遊閉戶讀書

奉親課子是年起始屏棄舉業專治史學尤肆力於財政一門歷史及九通中錢幣賦稅鹽法漕運各門皆分門別類提要鉤玄纂錄至數十萬言積成數巨冊生平於財政略窺門徑蓋得力於此兩年中也

丁酉三十歲 四月女秀寶生 先大夫於上年秋冬患咯血之症 仲父藥之而愈春間復發侍之蘇滬歷謁名醫未能見效五月間又加脾泄元氣益耗余親侍醫藥餐寢俱輟病勢日劇竟於六月二十二日棄養呼天搶地痛不欲生視息人間勉治大事十月奉櫬暫停於惠山家祠翰西十三弟入

泮

戊戌三十一歲 藁窳事畢慨然有遠遊之志 伯父京卿公

方以河東鹽法道權晉臬乃於二月治裝西上由海道至津

陸行一千餘里歷四大天門之險

詳所著西
征前記

二月至晉陽六月

京卿公卸臬篆從至河東 八月接家書秀女殤十月 京

卿公署藩篆復從至晉陽時撫晉者爲天門胡蘄生中丞辛

卯鄉試監臨師也創辦新政設武備學堂商務局紡織廠皆

以 京卿公爲督辦奏疏函牘皆余所擬爲中丞所賞遂延

入署中主內文案兼撫藩兩幕杜門治文書不通賓客者數

月以遠嫌也石臣十二弟入洋

己亥三十二歲 京卿公於三月卸藩篆復回河東余偕範甫

兄送至百里外繞道遊晉祠唐叔虞之祠也在太原西南八里其山曰懸甕山海經曰懸甕之山晉水出焉是也泉出於聖母廟之側流經祠下水色縹碧瑩澈如鏡寺僧甃石爲沼澗若圭若珉若環若帶引泉分流曲折縈繞然後下注山麓溉田千頃祠前多虬松古柏蒼翠四匝酈氏水經注所謂水側有涼堂結飛梁於水上左右雜樹交蔭希見曦景髣髴遇之散策逍遙不忍遽去誠寰中之靈境塵外之仙都也

余著有遊晉祠記及

五古詩稿已燬

八月 京卿公升任長蘆鹽運使中丞公開缺余亦以

葬親南歸九月行十月抵里十二月葬 先大夫於小菱灣

與 張太夫人合兆十一月五妹清芬出閣妹婿爲丹徒朱

清齋祖愉

庚子三十三歲 三伯父藕舫公辦業勤紗廠令余主辦廠務
先是余以紳富捐獎內閣中書五月將入都供職聞義和團
之變乃止八月女靜寶生

辛丑三十四歲 八月入國和議成 京卿公以運使駐都門
諭令北上十一月抵都十二月就內閣中書職

壬寅三十五歲 壽州孫文正公邀余入幕中主章奏寓後孫
公園安徽館相國清風亮德負時重望每日朝退必至余齋
中談經史深沐教澤五月 京卿公奉旨以三品京堂候補
督辦順直紡織事宜九月請假南歸余赴津送行仍回京供

職少平叔翰西十三弟舉本省鄉試九月六妹瑤芬出閣妹

婿爲蘭州劉幼軒思誠

癸卯三十六歲 二月乞假南歸八月入都應商部考試取列

第十七名引見記名七月間奉旨添設商部以貝子載振爲

尙書陳璧顧肇熙爲左右侍郎杏內閣各部保送中書部曹

考試取者按照原官以郎中員外主事補用余本請假回南

適賈子咏觀察新簡正太鐵路總辦邀余任總文案屢電催

促乃於中秋日到京而子咏已被劾去職商部適於十七日

考試孫文正公已將余名保送恩恩橐筆入試題爲馬班以

下不傳貨殖論取四十人引見記名二十八人余非子咏電

催未必入都雖保送而未必入試各部先經本衙門考試獨
內閣徑由大學士點派冥冥中若有相之者於以知功名得
失殆有天焉果臣十一弟舉本省鄉試伯庚十七弟入泮女

景暉生十一月七妹瓊芬出閣妹婿爲江陰陳叔達名章

甲辰三十七歲 二月商部傳到分保惠司行走三月得家信

弟長兒景杰天逝兒聰慧幼學縣試取前列試後感寒疾兼
染喉症庸醫投以涼劑遂不起年甫十四也傷哉四月靜女
殤五月補保惠司主事充幫掌印上行走十月眷屬來都僦
居上斜街屋爲顧俠君秀野草堂舊地亭館幽靚花木扶疏
放衙後常邀友朋觴咏其中亦京曹之樂事也

乙巳三十八歲 調補平均司幫主稿又調庶務司幫掌印僦居順治門內石虎胡同屋爲明大學士周延儒宅國初爲吳三桂之子額駙第乾隆中爲裘文達公賜第後歸潘河帥懋迄今仍屬潘氏余眷居西院卽裘文達之好春軒院後小屋兩間封鎖歲久于晦若侍郎過訪爲述此屋向有妖魅見紀文達公灤陽消暑錄中京師號爲四凶宅之一余初未知居此三年升官添丁多吉祥事繼居者死亡相踵無人敢居後乃拆卸改建六月奉旨派鎮國公載澤戴尙書鴻慈徐侍郎世昌端中丞方紹右丞英分赴東西各國考察政治澤公邀余同行以病辭八月十九日五大臣啟程登車炸彈驟發紹右丞受

傷未果行徐侍郎旋授巡警部尙書紹右丞傷未愈乃改派

尙方伯其亨李公使威鐸為澤公之佐余病已愈澤公調充二等

參贊十月出都十一月由滬放洋抵日本東京余隨澤公住

芝離宮日皇之別宮也在東京度歲余任總文案佐之者趙

仲宣從蕃後官
江西省長劉樸生鍾琳後官湖
南按察使姚柳屏朋鬲後官內
務部司長黃次腴瑞麟後
官御史也八

妹令蕪出閣妹婿為同邑李滌雲福康

丙午三十九歲 正月次兒景燧生是月杪由東京啟程至橫

濱登英國大北公司達柯達輪船渡東太平洋七日而抵美

國之波湯星海口登陸乘大北鐵路公司貫北美全部行八

日而抵紐約改乘英白星公司波羅的海輪船渡西太平洋

入日而抵英之利物浦登岸至英京倫敦留一月至三月杪
赴法京巴黎留二旬復回倫敦渡加發海峽而至比京留半
月考察事畢至法國馬賽登法郵船公司阿賽布乙克輪船
出地中海紅海蘇彝士河歷印度洋經南洋新加坡等埠以
五月抵滬六月回京覆命七月編書於法華寺余任總纂所
譯東西洋政治書編成六十餘種咨送憲政編查館擇其精
要者二十種分撰提要進呈乙覽九月奉旨派澤公及各部
院尙書南北洋大臣釐訂官制奏派余隨同編纂居海旋之
朗潤園同事者二十餘人皆一時名碩以使事勞俟補員
外郎後以郎中卽補加花翎三品銜

丁未四十歲 改補農工商部工務司主事充幫掌印兼充商
律館纂修十月隨楊杏城侍郎赴南洋各島撫慰華僑乘海
圻海容兩兵艦歷小呂宋西貢暹羅爪哇新加坡檳榔嶼各
島十一月三兒景燧生余在海容兵艦中得家書乃名之曰
海容十二月事竣返滬回里度歲南洋各島華僑多閩粵籍
雖爲歐美屬地而工商業皆在華人之手商務以新加坡檳
榔嶼爲最繁物產以小呂宋爪哇西貢暹羅爲最富使車所
至萬衆歡迎愛國之心視內地人民爲更摯余著有海南采
風記庚申燬於火

戊申四十一歲 正月回京覆命上考察南洋各島華僑商務

摺頗爲時傳誦三月補工務司員外郎充主稿兼充公司註
冊局總辦商標局會辦先後任本部尙書者爲振貝子溥仲
璐先生頤侍郎則爲顧康民先生肇熙唐蔚芝先生文治楊杏城
師士琦熙雋甫先生彥皆蒙倚重部中要政頗參預焉余以甲
辰補主事後本部員外郎出缺五次擬陪均爲津要子弟所
躡取同曹皆不平余處之泰然至是始補員外郎逾年遂升
度支部郎中旋擢參議以七品中書六年而至京堂亦可云
速化矣仲春從耕籍田自丁亥後久未舉行考訂親耕儀注
整備如禮購屋於城西太平橋價一千七百兩三月移新居
四月長女景昭出閣婿胡仁鏡入贅十月德宗上賓今上登

極

宣統元年己酉四十二歲 時籌備九年立憲澤公爲度支部

尙書設立清理財政處乃奏調余在度支部丞參上行走充

財政處總辦旋升補承政廳郎中同事者爲陳麓賓左丞宗瑞

傅夢巖右丞麟泰曾剛甫左參議實經劉聚卿右參議世珩候補參

議則爲晏海丞安瀾管仰山象頤林梅楨景賢余專任清理財政請

簡監理官分駐各省處中設十二科選調司員之才敏者充

總核坐辦科員是年令各省造送財政說明書報告歷年財

政情形爲編製預算決算之用部中重要奏摺皆余與剛甫

分擬剛甫博雅工文余不及也

庚戌四十三歲 派充崇陵監修官兼充鹽政院參事是年資

政院成立八月編製宣統三年各省預算冊送內閣交資政

院議決余定清理財政程序期以六年竣事第一年調查全

國財政令各省造送財政說明書

民國初
會付印

第二年試辦各省預

算令財政統一於藩司第三年試辦全國預算劃分國家稅

地方稅第四年實行預算辦理決算第五年施行會計法金

庫制度第六年各省設立財政司自此事權統一法制嚴明

使全國財政如輻在轂如網在綱度支部通盤籌畫調劑盈

虛而清理之事畢矣 各部書吏之權最重戶部尤甚爲有

清一代批政余總辦財政處調各司司員兼充總核坐辦科

員辦稿核算均出司員手書吏僅供繕寫自是積弊盡除司員之才敏者皆蘄然見頭角矣

辛亥四十四歲 補度支部右參議應放長蘆鹽運使爲澤公
保留八月編製宣統四年全國預算送資政院十九日武昌
兵起九月奉旨派充恭謁東陵大臣余素慕盤山之勝欲乘
此遊覽而堂官以部務殷繁未便久離奏請改派是月任袁
世凱爲內閣總理入朝後改組內閣余轉補左參議旋欲擢
爲右丞余力辭時事日亟本部丞參四人辭職者三余日清
室一日不亡當盡一日之責仍逐日到部辦事至十二月二
十五日遜位詔下余於先一日請假出都矣詳見
筆記眷屬先於十